



• EDITORIAL • RÂL VÊNGTU • CHHÛNGKAW CHANCHIN

- » Synod Inkhâmpui Wawi 94-na neih a ni
- » Praise On 2017 hlawhtling taka zawh a ni
- » Pastoral Care & Counselling Training wawi 27-na khâr a ni

RNI 68092/83 Regn. No. N.E. 1024
From
Synod Literature & Publication Board
Synod Office, Aizawl - 796 001
Mizoram. Phone: 0389-2324590

SYNOD *Newsletter*

Volume XXXII

No. 411

E-mail: synodnews@gmail.com

DECEMBER, 2017

LÂWRKHAWM

TRIPURA SYNOD (PROVISIONAL) VAWI 1-NA NEIH A NI

Tripura Synod (Provisional) wawi khatna chu Nov. 9-12, 2017 chhûng khân Tuidu Pastor Biala Tuidu Kohhranah neih a ni a, palai 262 leh chhimtu 338 an ni. Mizoram Synod atangin Upa Dr. H. Vânlalhuma, Synod Statistician leh Rev. C.M. Zalênthanga te an kal.

Tripura Synod (Provisional) hi April 2, 2017 khân hawn a ni a, Tripura Synod chhûngah hian Presbytery 4, Pastor Bial 16, Kohhran 139 an awm mêk a ni.

SYNOD HOSPITAL MOBILE CLINIC

Nov. 16-18, 2017 chhûng khân Champhai Vêngthlang Pastor Bialah Mobile Clinic neih a ni a, damlo mi 329 an inentîr a. Hospital thawktute leh Bial chhûng Kohhran hruiatute, Bial Kohhran Hmeichhia leh Bial KTP hruiatute nênkawmhona hun tha tak an nei baw.

SYNOD EXECUTIVE COMMITTEE VAWI 270-NA A THU

Nov. 29, 2017 chawhma dâr 10 khân Synod Executive Committee wawi 270-na chu Synod Office-a JM Lloyd Hall-a a thu. Meeting hi Synod Moderator Rev. Lalzuihanga'n a kaihrui a, Synod Secretary Rev. Lianhmingthanga Sailo in report a pe. He meeting hian thu ngaihtuah chhawp chhuah (agenda) 11 an nei a, an thu ngaihtuahte zingah, Synod Worship Committee member thlâk chungchâng te, Inneihthîr theihna kawltu ruat chungchâng te, kum 2020 Nilai leh Beihruai Thupui thlan te, Synod tharte nêna thawh ho zui dân siam thu te, Synod Hospital-a thawktute Provident Fund Relaxation tâwp chungchâng te, Hmangaihna In Superintendent ruat te, PCI Administrative Secretary post atâna rawtna te, Synod Transit Accommodation, Imphal chungchâng te a tel a ni. Nov. 30, 2017 khân SEC Wawi 271-na an thu chhunzawm ngâl a, Kum 2018-19 Budget thar tûr an thlîr ho a, additional budget dîlna ngaihtuah a ni baw.

SMTC BUILDING THAR HAWN LEH HLANNA HUN HMAN A NI

November 28, 2017 chawhnu dâr 1:00 khân Synod Multipurpose Training Centre Building thar Mission Vêngthlanga mi chu Rev. P.C. Pachhûnga, Executive Secretary i/c SMTC in Pathian hnênah hlânin a hawng.

Building thar hawn leh hlan hma hian SMTC Lecture Hall-ah hun hman hmasak a ni a, Rev. Vânsâwma, SMTC Programme Director-in kaihruiain tanna leh inlawmna thu te a sawi a. Upa Vânlalhuma, SMTC Office Assistant chuan SMTC Reports a pe a, T.Upa Thangliankhûma, Synod Office-a Assistant Engineer chuan Technical Report a pe. Pi Lalruotmawi tûm hnhî a zai a, Rev. Lalchhâwnkima, SMTC Managing Committee Member-in malsâwmnain programme a khâr a ni.

Hun khatna hman zawh hian Rev. P.C. Pachhûnga, Executive Secretary chuan SMTC Building thar chu Pathian hnênah hlânin a hawng ngâl a ni.

SMTC Building sak hna hi Synod Trust Committee (Synod Property Committee) enkawlâ hnuaiha sak a ni a, Ground Floor, a building khawchhak lam chu Lay Leaders' Training Hostel atâna ruahman a ni a, a

building khawthlang lam hi Programme Director Quarters atâna ruahman a ni baw a. Basement-I Floor pum pui hi Hmeichhe Hostel atâna ruahman niin, Basement-II Floor pum pui hi Mipa Hostel atâna ruahman a ni thung. Basement-III zahve, a khawchhak lam chu Garage tûra ruahman a ni a, khawthlang lam hi Kitchen-cum-Dining Hall atâna ruahman a ni. A building laiah Main step, a floor pum pui inkalpawh theihna tûr siam a ni baw. A building hi a chung zâwnga sak zawm belh theih tûra ruahman a ni.

Building sakna atâna estimate hi Rs. 4,28,63,700/- a ni a, a sak zawhna atân Rs. 5,59,37,962/- sên a ni. Estimate aia hman tam a nih chhan hi Estimate-a tel lo, thawh ngei ngai si, a kawmthlang retaining wall siamna te, side drain siamna te, a tîra ruahmannaa tel lo Kitchen-cum-Dining Hall siam belh nân leh a building khawthlang lam lei laih leh a nih vâng te a ni.



SYNOD Newsletter

EDITORIAL STAFF

Rev. Dr. C. Chawngminglana
Rev. PC Pachhûnga
Upa H. Ronghaka
Rev. R. Laldinthara

Editorial

PATHIAN MITMEI VÊN

Mitmei vêng tih hi a awmzia leh hman dân hrang hrang a awm thei ang. Tûn tûmah hi chuan 'mite awm dân leh duh dân thlîr ru reng chung a chetla emaw, tu emaw tihlungawi loh hlau/pawi khawih hlaua khawsa' tih lam kâwkin hman tum ila. Mitmei vêng thiam tak nula chuan a bialpa nêna mi zînga an awmin a bialpa duh loh zâwngin a lo khawsa palh ang tih hlauvin fimkhur takin a invêng ru rân thîn. Chutiang nula chu a bialpa chuan, "Ka duhtaki hi chuan ka mitmei a vêng tha maw le!" a ti thîn. A bialpa tihlungawi loh a hlau hle tihna a ni.

Mit tla lek leka mi tinin an lo thlîr Krismas chu a lo thleng leh dâwn ta reng mai. He hunpui pawimawh tak a lo thlen hian Krismas hman tum dân leh hman dân pawh a inang lo leh hle hlawn ngei ang. Pathian mitmei vêng lo va, mahni duh ang anga Krismas hman thînte an mualpho chawk. Nu leh pa mitmei chauh vêngtu chuan a nu leh pa hmuh phâk loh china a awmin vên thawn rêng a nei tawh lo. Chu chuan mualphona tâng a hruai thleng thîn. Mihring mitmei chauh vêngtu chuan mi dang awm loh hun hunah sual tih a pawisa lo mai thîn. Pathian mitmei aia mahni ngaihzâwngte mitmei vêng zâwktu chu an che sual nge nge thîn. Pathian mitmei vêngtu chuan mihring mitmei a vêng ngihl vek zâwk a ni. Krismas hun lâwmawm tak hi Pathian mitmei vêng rânin hmang ila a va nuam dâwn êm!

Rev. Sikulfala (73), pensioner chu November 29, 2017 zîng dâr 3:10 khân a boral a. Rev. H. Lalrinmawia. Synod Moderator kal chhuakin Kolasib Vênglai Kohhran Biak Inah a vui.

SYNOD INKHÂWMPUI VAWI 94-NA

Synod Inkhâwmpui wawi 94-na chu December 5 - 10, 2017 chhûng khân Bûngkâwn Bialin thlengin, Bûngkâwn Kohhran Biak Inah neih a ni. Khâwmpui hma hian Committee hrang hrang an thû khâwm a, Dec. 5, 2017-ah Nomination an thû a, Dec. 6-9, 2017 chhûng khân Rorêl niin zân lamah Pathian Biak inkhâwm neih thîn a ni. Dec. 10, 2017 Pathianni chawhmaah Pastor nemngheh leh Pro. Pastor dahngheh inkhâwm neih a ni a, chawhnuah Lalpa Zanriah Sacrament kîl ho a ni a, zân Pathian Biak Inkhâwmah Moderator Valedictory Sermon ngaihthlâk a ni.

Kumin Synod Inkhâwmpui Thlarau lam thupui chu 'Kohhran - Pathian Chhûngkua' (Ephesi 2:19) tih a ni a, December 9, 2017 (Inrinni) zânah thlarau lam thupui hi Rev. Lalbiaknia, Chaltlângin a sawi.

Kumin 2017 Synod Inkhâwmpuia Synod Puipa te chu hêngte hi an ni:

Moderator : Rev. F. Lalrinnunga
Secretaries : Rev. Lianhmingthanga Sailo (Sr.)
Upa R. Dêngzikpuia (Jr.)

Fin. Officers : Rev. P.C. Pachhûnga
Rev. H. Remthanga
Statistician : Upa Dr. H. Vânlalhluana
Executive Secretaries : Rev. Lalramliana Pachau
Rev. B. Sângthanga

Synod Inkhâwmpui hi kum 2010 aţang khân Bialin an thleng tăn a, kum 2010-ah Dâwpui Pastor Bialin Zârkawt Kohhranah thlengin kum 2011 khân Khatla Bialin Khatla Kohhranah an thleng a, kum 2012 khân Chanmari Bialin Chanmari Kohhranah an thleng leh a, kum 2013 khân Ramhlun North Bialin Ramhlun North Kohhranah an thleng a; kum 2014 khân Mission Vêngthlang Bialin Mission Vêngthlang Kohhranah an thleng a; kum 2015 khân Tuikual Bialin Tuikual Kohhranah an thleng a, kum 2016 khân Durtlâng Bialin Durtlâng Kohhranah thlengin, kumin (2017) hian Bûngkâwn Bialin Bûngkâwn Kohhranah an thleng a ni.

ZAIPÂWL CONDUCTOR-TE TRAINING NEIHPUI

Synod Worship Dept chuan November 28, 2017 (Thawhlehi) zân aţang khân Zaipawl Conductor Training, Residential Choir Conductors' Training wawi 22-na chu Synod Multipurpose Training Centre, Mission Vêngthlangah a buatsaih a, December 2, 2017 (Inrinni) zîng thleng khân training hi neih a ni a, December 1, 2017 (Zirtâwpni) zân khân a khârna hun hman a ni.

Ni 28.11.2017 (Thawhlehi) zân khân Residential Choir Conductors' Training hawna inkhâwm neih a ni a, inkhâwm hi Upa Laldingliana Sailo, Synod Worship Cell Committee member chuan a hruai a, Pathian hnênah he training hi hlânin, Synod Worship Department Coordinator, Pu Rochungnungan inhmêlhiattiarna hun hmangin report a pe. Rev. Vânsâwma, Programme Director, Synod

Multipurpose Training Centre chuan thu a sawi a, Executive Secretary i/c Worship, Rev. B. Sângthangan thuchah a sawi baw.

Training khârna inkhâwm hi December 1, 2017 (Zirtâwp) zân dâr 6:00 khân hman a ni a. Inkhâwm hi Upa Râlkâphanga Sailo, Worship Cell Committee chuan kaihuaiin Rev. B. Sângthanga, Executive Secretary i/c Worship-in thuchah sawiin Certificate a sem.

Residential Choir Conductors' Training hi kum 1995 aţang khân buatsaih tăn a ni a, kohhran zaipawl tha a awm theih nân te, zaipawl hruai dân inzirtîr nân te, music leh zaia hma kan sâwn theih nântea buatsaih a ni a. Mizoram chhûnga Pastor Bial hrang hrangte a inchihawka koh thîn niin tûn tûmah hian Pastor 18-a Zaipawl Conductor-te tel tûra koh an ni a, bial 12 aţangin zaipawl conductor 28 an tel thei a ni.

PBS-IN C.TH. 41ST BATCH TE THLAHNA HUN HMANG

Presbyterian Bible School (PBS) te chuan November 28, 2017 khân an zirlai C.Th. Batch 41-na Farewell and Dedication hun Synod Conference Centre-ah an hmang.

Thlahna inkhâwm hi Rev. B. Sângthanga, Executive Secretary-in a kaihuai a, Rev. K. Lalhmuchhuakan inlawmna leh inhmêlhiattiarna hun hmangin PBS Principal Rev. Lalneihvûran

report a pe a, Rev. Vânlâlrawna'n zir chhuak mi 58 te hnênah Certificate a hlân. Chairman Rev. B. Sângthangan thuchah sawiin, zirlai ti tha leh kal kim te lâwmman Upa T. Vânlâwman a hlân a, zirlai aiawhin Pu J.R. Lalchhuanliana thu a sawi baw. Pu C. Awithanga chhûngten Pu C. Awithanga Awards an hlân a, Rev. C.M. Zalênthangan lâwm thu sawina hun a hmang a, Chairman-in malsâwmnain inkhâwm a tîn.

Synod Newsletter chhiartu zawnq zawnqte
KRISMAS CHIBAI KAN BÛK A CHE U.



Râl Vêngtu

“Sakawlh leh ui, sakawlh leh ui,” tiin Râl Vêngtu chu a au a au va. Mite chuan, “Râl Vêngtu, eng nge ni ta, ‘sakawlh leh ui’ ti ringawta i au i au ták mai an ti a. Râl Vêngtu chuan, “Sakawlh leh ui,” tih hi in hre thiam thei ngang lo a nih hi maw. Uluk zetin lo ngaithla ula, beng sikin lo ngaihtuah teh u,” a ti a. Mite chuan, “Aw le, kan inpeih thlap e,” an ti a.

Râl Vêngtu chuan, “Sakawlh hlauhawmzia hi in sawi chámchi a. Sakawlh hlauh avângte’n ‘kohhran atangin ka chhuak e’ te in ti leh ringawt thín a. Sakawlh leh ui inanna laite hi han hriatír (hrih hria ni lovin) che u ka duh aláwm maw le,” a ti a. Mite chuan, “Ui chu a hlauhawm lém hleiném, sakawlh chu hlauhawm deuh asin. Sakawlh leh ui in inanna an neih pawh kan hre hleiném,” an ti a.

Râl Vêngtu chuan, “Ui lungmáwl tak pawh hian amah hlautu leh hlau lotu hi a hre riau asin. Ui hlau tak hi chu ui hian an seh duh khawp lehngál. Chutiang bawh chuan sakawlh hlau viauhó hi chu sakawlh hian a seh duh phian. Sakawlh sehho lah hian sakawlh seh an ni tih an inhre har phian lehngál a,” a ti a.

Râl Vêngtu chuan, “Tin, sakawlh in hlauh viauna chhan hi chu sakawlh in hriat chian loh vâng a ni pakhat. Ui lungmáwl rilru leh a nihna tak hre chiangtu chuan ui hi an hlau ngai lo, ui pawhin an seh ngai bawh hek lo. Sakawlh nihna tak hre chiang viauva inggai, hre chiang hau si loho hian sakawlh an hlau chawk. An hlauh viau tawh chinah phei chuan sakawlh in a seh ruai a ni thín, sakawlh seh an ni tih lah an inhre dêr si lo,” a ti a.

Mite chuan, “Râl Vêngtu, kan rin loh lam daihah hian thil ni thei tak tak hi i sawi thín a. Tùnah pawh kan fíng leh ta sawt e,” tiin an nui ta bawk bawk a.

SYNOD SOCIAL FRONT PLUMBER TRAINING

Synod Social Front-in a wavi 2-na atána pipe fit thiam (Plumber) Training a buatsaih, Nov. 7, 2017 (Thawhlehi)-a Synod Conference Centre-ah bul tán chu tuang takin zawh a ni ta. Tún tuma Plumber training-ah hian Synod Social Front chuan zir tûr mi 12 a la a. PHE Department lamin Trainer mi pahni an tih bákah practical neihna tûr a ngaihtuah sak a. Synod hruaitute an lăwm hle. Training November ni 24, 2017 kân khârna hun hman a ni.

SYNOD HOSPITAL, DURLÂNG OCTOBER, 2017 CHHÛNGA THILPÊK DAWNTE

I. CHARITY FUND

1. Bethlehem Vêngthlang Kohhran Ramthar Committee	Rs	30,000/-
2. Pu Laldanglova, Durlâng Mèl - 5	Rs	1,000/-
3. Lalramena Râlté, Durlâng Káwn Vêng	Rs	1,000/-
4. Rosâwmlana Vârté, Durlâng Leitan	Rs	1,000/-
5. T.Saikhûma, Mimbung	Rs	3,000/-
6. Synod Hospital Taxi Stand Welfare	Rs	3,000/-
7. Lungdai Kohhran	Rs	1,000/-
8. Lalramkimi, Sêrchhip Zion Vêng	Rs	2,000/-
9. Pu Lalsânglura, Durlâng Mèl - 5	Rs	1,000/-
10. Pu Zothanpuia, R.Buchhâwna Complex, Zarkawt	Rs	3,500/-
11. KTP, Kawlbem Branch	Rs	1,000/-
12. KTP, Dârlawn Bial	Rs	1,539/-
13. Bairabi Bial Kohhran Hmeichhia	Rs	5,000/-
14. Bilkhawthlir Bial Kohhran Hmeichhia	Rs	10,000/-
15. Hunthar Vêng Kohhran Hmeichhia	Rs	10,000/-
16. Hunthar Vêng Bial Kohhran Hmeichhia	Rs	5,000/-
17. Lalchhuansanga te unau, Vênghlui	Rs	1,000/-
18. Pi Lalramhluni te chhông, Mission Vêngthlang	Rs	30,000/-
Total	Rs.	1,10,039/-

II. THISEN PETE

1. Red Ribbon & NSS, Women Polytechnic, Durlâng	21 Units
2. KTP, Centenary Branch, Aizawl	8 Units
3. KTP, Himlen Branch	16 Units
4. KTP, Mèlthum Branch	9 Units
5. PYD, UPC(NEI), Durlâng Bial	7 Units
6. KTP, Chawnpui Branch, Aizawl	39 Units
7. KTP, Ramhlun Vêngchung Branch	13 Units
8. KTP, Rangvumal Branch	6 Units

PEK ZÂT

III. GRACE HOME TÂN

1. Maubuang Kohhran Hmeichhia	Rs	10,000/-
2. Chhiatlang Bial Kohhran Hmeichhia	Rs	5,000/-
Total	Rs.	15,000/-

IV. THIL DANG PETE

1. Aizawl Aquatic Centre, Chhinga Vêng	Eye Unit Aquarium
	tân Sangha (Rs 2,500/- man)
2. Armed Veng North Kohhran Pavalai Pawl	Thuthlengsei 3
3. Zonum Kohhran Hmeichhia, Aizawl	Dialysis tân
	Mini-Washing Machine leina tûr Rs 6,000/- leh
	Chair 2 lei nân Rs 8,000/-
4. KTP, Durlâng Bial	Compound sâmfai hnâtlang
5. Chhangchhiness.com - Facebook Nuho Group	
1) Puanthân vâv 40 Mtrs	
2) Puanthân eng 40 Mtrs	
3) Ortho. Ward & Peadiatric Ward tân Gown leh	
Pyjama 10 sets.	
6. Durlâng Kohhran Pavalai Pawl	Deep Burial Pit lai hnâtlang

V. PAWISA DAWN ZAWNG ZAWNG

i) Rs. 1,10,039/-
ii) Rs. 15,000/-
iv) Rs. 14,000/-

G. Total Rs. 1,39,039/-
(Awareness Campaign-a kalte hnenah kohhran te'n pawisa hmuh zat tilang tura rawna avangin leh tel tum a ni)

Khawngailna leh duhsaknaa thilpêk min petute zawng zawng hnenah Lalpa Isua Krista hmingin lăwmthu kan sawi tak meuh meuh a ni. Hêng in thilpêk kan dawnte hian damlo awm man harsate thlamuang takin a awmtir a, Hospital mamawh tam tak min phurksak bawk a ni.

Sd/- REV. R. RAMDINMAWIA
Chaplain

PRAISE ON 2017 HLAWHTLING TAKA ZAWH A NI

KTP Branch hrang hrangte inelna atána buatsaih Praise On 2017 Final result chu Nov. 24, 2017 kân Khatla Kohhran Hall-ah puan a ni. Result puanna hunah hian Upa Samuel Laldingliana, Praise On Programme Committee Chairman-in hunserh a hmang a, Upa V.L. Muanchhana, Praise On Organising Committee Secretary-in report tawi pein, Pu R. Lalnunluanga, Praise On Organising Committee Chairman-in Judge te leh Khatla Kohhran hnenah lăwm thu sawina thilpêk a hlân. Pu K. Lalruatpuia, Praise On Programme Committee Secretary-in Consolation Prize semin, Upa Zonunmawia, Central KTP General Secretary chuan Special Award a sem a, Rev. B. Sângthanga, Exe. Secretary i/c Synfo in lăwmman a sem ngál bawh. Khatla Branch KTP ten Special Item an nei a, kum 2016-a Praise On-a pakhatna NI. R. Lalrinmawii (Arini), Mizoram Synod Choir leh Praise On 2017 pakhatna ten Pathian fakna hla an sa bawh. Rev. Rualthankhuma, Khatla Bialtu Pastor-in malsăwmnain programme a khâr a ni.

Praise On 2017-ah hian KTP Branch hrang hrang atangin hming pe Group 70 an awm a, chûng zing atang chuan group 65 an tel thei a, Aizawl pawn atangin Group 16 an tel bawh a ni.

Praise On 2017 ah hian lăwmman atân Pakhatnain - Rs. 1,00,000/-, Pahnihain - Rs. 50,000/-, Pathumnain - Rs. 30,000/- leh Trophy leh Certificate an dawng a, Top 10 chin hnenah Consolation Prize Rs. 10,000/- theuh hlan an ni.

Praise On 2017 a lăwmman dawngtute chu:

Pakhatna - Dâm Vêng Branch
Vêngnhuail Bial

Pahnihna - Chanmari Branch
Chanmari Bial

Pathumna - Dâwruip Vêngthar Branch
Dâwruip Vêngthar Bial

Best Combination Award -
Armed Vêng Branch
Armed Vêng Bial

Most Inspirational Award -
Muallungthu Branch
Muallungthu Bial

Consolation Prize dawngtute chu:

1. Armed Vêng Branch, Armed Vêng Bial
2. Chawnpui Branch, Chawnpui Bial
3. Electric Vêng Branch, Electric Vêng Bial
4. Govt. Complex Branch, Zonum Bial
5. Kanan Branch, Vaivakawn Bial
6. Tlângnuam West Branch, Tlângnuam Bial
7. Tuikual North Branch, Tuikual Bial

* Kum 2018 hian Puitling Sunday School-ah “Chronicles 1 & 2 Hrilhiahna” zir a ni dawn a. He lehkhau hi Presbyterian Pastor-te zinga mi thiam Rev. Dr. K. Lallăwmzuala ziah a ni a, copies 80,000 zet chhût a ni. Kum 2018 Nilai leh Beihrial Thupui zirlai thupui hi “Thuthlung Hlui leh Thuthlung Thar Inkâr Thu” tih a ni a. Mizoram Synod Moderator pawh lo ni tawh leh Presbyterian Pastor-te zinga senior leh tawnhriat ngah tak Rev. Thangzauva ziah niin copies 65,000 chhût a ni.



BUEHÂN KOHHRAN chuan Krismas an hman tan tirh atanga a wawi 100-na an thlang ta a. Chuvangin kum 2017 Krismas Centenary hi ropui taka lawm an tum a. Buehân Kohhrana lawi tawh zawng zawngte Krismas Centenary hman tûr hian an sâwm a ni.

DULTE KOHHRAN chuan ni 18.11.2017-3.12.2017 chhûng khân Krista Hmangaih Team (Speaker Pu Lalthanmawia) ruaiin Gospel Camping chhâwng nhieh leh naupang lăng camp wawi khat an buatsaih a. Campers 187 (IKK-6, UPC-1, SAD - 2 telin) an lût a. Pathian Thlarau Thianghlim pāwl thama changin Kohhran bēl ngai tawh lote leh Biak In thlang ngai tawh lo tam takin siamtharna changin Kohhranhote an hlim hle.

SÂWMNA

Kristian Thalai Pāwl Sumsuih Pastor Bial chuan ni 3.2.2018 (Inrinni) hian Bial KŦP Silver Jubilee lawm an tum a. He hun hmanpui tûr hian Bial chhûnga member lo ni tawh zawng zawng leh Pastor leh Pro. Pastor lo awm tawh zawng zawngte an sâwm a ni.

SÂWMNA

KŦP Ngopa Chhimvêng Branch leh Kohhran Hmeichhiate chuan ni 8-14 January, 2018 hian kum 25 an tîin (Silver Jubilee) an lăwm dăwn a. He hun hmanpui tûr hian an Kohhrana KŦP leh Kohhran Hmeichhia member lo ni tawh zawng zawngte an sâwm a ni.

HRIATTÎRNA

December 14, 2017 (Ningani) hian Winchester School chuan Golden Jubilee lawmna hun an hman dăwn a. He School-a lo kal tawhte, lo thawk tawh zawngte leh Bialtu Pastor-a lo awm tawh zawng zawng he hun hmanpui tûr hian an sâwm a. Sâwmna hranpa siam a nih loh avângin hei hi sâwmnaa ngai tûrin Headmaster & Staff, Winchester School, Cachar Tlăngram chuan an ngên a ni.

ŦAWNGŦAI BEIHPIU

Synod Revival bultuma Dec. 2, 2017 (Inrinni)-a Rampum Huap Ŧawngtai Beihpui chu High School Field, Zarkawtah tuang taka hman a ni. Ŧawngtaina hun hi chhâwng hniha hman niin, thuchah ropui tak tak ngaihlăk a ni bawh a. Hlawhtling taka hun hman a ni.

HNARUAK

Bible Society of India, Aizăwl Auxiliary hnuaiha **Accounts Officer hna pakhat** a ruak a. Rawngbăwna tui, kum 35-40 inkâr Commerce Graduate tân dîl theih a ni. Thiamna lama Masters Degree Commerce/Finance Accounts Department Institution/Organisation-a experience nei te duhsak theih an ni ang. Dilna chu Bible House, Synod Conference Centre, Mission Vêng, Aizăwl - 796 001-ah January 15, 2018 thlang dîl theih a ni e.

Hlawhbi : Rs. 7120-440-11520-520-19320-600-25320 leh Allowance dang DA - 50% of basic, HRA Rs. 5,700/-, Hill Allowance Rs. 1,110/- Medical Allowance Rs. 1,200/-, Conveyance Allowance Rs. 2,250/- leh Children's Allowance Rs. 1,000 p.p. naupang pakhat zêl kum 21 thlang (nupui/pasal neih hma/hna neilo).

Diltu chuan lehkhapuanah Hming, Kum, Thiamna (Education), thiamna bik, Address details, Kohhran lehkhah, Doctor lehkhah leh passport size thlăk pakhat nêen Senior Auxiliary Secretary, Bible House, Synod Conference, Mission Vêng, Aizăwl - 796001 hnênah thehluh tûr a ni.

Interview-na hmun leh hun tûrte chu a hranpaa inhriattir leh tûr a ni ang.

Hre Chiang duh tân Office hour (9am - 4pm) chhûngin Bible House-ah zawh fiah theih a ni ang.

Sd/- Upa C. Thangnghilhlova

Senior Auxiliary Secretary

Phone: 0389-2323210 (O)/9436140998 (SAS)/
9436159780 (Asst. Officer Admn.)

ATC DAY WAWI 52-NA HMAN A NI

Nov. 17, 2017 chawhnu dâr 1 khân Aizăwl Theological College chuan an College Campus, Durtlăng Leitan-ah College Day wawi 52-na an hman. He hun hi Synod Moderator Rev. Lalzuithangan a kaihrui a, College Principal Rev. Prof. C. Lalhliran inlawmna hun hmanin report a pe bawh. College Day Speaker Rev. Dr. Sunil M. Caleb, Principal, Bishop's College, Kolkata chuan College Day thupui, "Challenges in Christian Ministry" tih ngaihnawm takin a sawi a. ATC Male Voice, ATC Choir leh Group Singing te ngaihlăk a nih hnuah Rev. Prof. Vănlăngghăka Răltê, Vice Principal-in lăwm thu sawiin

Rev. R. Lalhmingthanga, TEB member-in malsăwmnain hun a khâr a ni.

Aizăwl Theological College hi kum 1907-a din a ni a, India rama Pathian Thu zirna College tha berte zingah a tel tawh a, tûnah hian Residential Course atân hêng - Bachelor of Divinity (BD), Master of Theology (M.Th.), Doctor of Theology (D.Th.) leh Diploma in Clinical Pastoral Counselling (DCPC) zirna te hi a awm a, hêng bākah hian Bachelor of Christian Studies (BCS) leh Diploma in Christian Studies (Dip.CS) zirna te an kalpui mēk bawh a ni.

PASTORAL CARE AND COUNSELLING TRAINING WAWI 27-NA KHÂ A NI

Mizoram Synod, Family Guidance & Counselling Centre (FG&CC)-in Pastor-te puala November 15, 2017 (Nilaini) atanga Synod Conference Centre-a Intensive Residential Pastoral Care & Counselling Training wawi 27-na a buatsaih chu November 28, 2017 (Thawhlehi) zân khân 'Final Evaluation & Graduation Service' neiin khâr a ni.

Training khârna hun hi Rev. P.C. Pachhûnga, Executive Secretary i/c FG&CC chuan a kaihrui a, Rev. Lalramliana Pachau, Senior Executive Secretary-in hmanpuiin training chhuakte hnênah Certificate semina thuchah a sawi bawh.

He Counselling Training-ah hian Mizoram Synod Pastor 17, Tripura Provisional Synod Pastor 1 leh Phai Synod (Myanmar) Pastor 3, an vaiin mi 21 an training a ni.

Training khârna inkhăwmah hian training

chhuakte chuan training an hlăwkui dân a lema an ziah chu entirin an hrilhih a, Pastor Samuel Lalmuanpua Pachau, Sakawrdai bialtu chuan training chhuakte aiawha thu sawiin, Khatla Pastor Bial Zaipăwl an zai bawh.

He hun hmanpuiin, Senior Executive Secretary Rev. Lalramliana Pachau chuan training chhuakte chuan an thil zirte chu hman tangkai tûra fuihin, "Kohhran mite hi kawng tinrêngah kan ngaihsak a, an harsatna chi hrang hrangahte tanpuitu nih hi kan rawngbăwna tûr pawimawh ber a ni," tiiin training chhuakte a fuih.

FG&CC hian Pastor-te pualin Pastoral Care & Counselling Training hi wawi 27 buatsaih tawhin Pastor 461 an training tawh a. Kohhran Upate pualin kum 2002 atangin training an neihipui tawh bawh a, Kohhran hruiatu 558 Training neihipui an ni tawh bawh a ni.